

Universitätsbibliothek Paderborn

Corona Sacratissimorvm Jesu [Iesu] Christi Vulnervm

**Wael Van Vronesteyn, Willem de
Antverpiæ, 1649**

Medicina Animarum.

[urn:nbn:de:hbz:466:1-49125](#)

peccata tua misericorditer condonet,
excitando in te veram contritionem,
non ex timore pœnæ alicujus, aut do-
lore jacturæ ; sed ex vero Dei amore,
quod immensam illam bonitatem, tam
benevolum ac benignum Patrem, tan-
tâ maliâ, ac contemptu, tot peccatis,
tamque gravibus offenderis.

CONSIDERATIO I.

Vulnera Christi

Medicina animarum.

Deus , cui proprium est misereri,
verè sollicitus de filiis Pater , ita
mundum dilexit, ut Filium suum uni-
genitum illi Medicum daret, ad curan-
dos animarum nostrarum morbos , &
quidem mortiferos. Vnde rectè S. Au-
gustinus : *Bene nostis , charissimi , Dominum* Serm. 18.
de verb.
Dom.

*nostrum , & Salvatorem Iesum Christum à Patre
datum esse Medicum salutis æternæ , & ad hoc
eum suscepisse infirmitatem naturæ nostræ , ne
sempiterna esset infirmitas nostra.*

Et perspicue sanè Medicum se esse,

ac

ac venisse ut nobis mederetur, ipse Salvator testatus est. Lucam audiamus:

Cæ 4.v.21. Et venit, inquit ille, Iesus à Nazareth, ubi nutritus erat, & intravit secundum consuetudinem suam, die Sabbathi in Synagogam, & surrexit legere. Et traditus est illi liber Isaiae Prophetæ. Et ut revolvit librum, invenit locum, ubi scriptum erat, spiritus Domini super me, propter quod unxit me, euangelizare pauperibus misit me, sanare contritos corde. Et cum plicuisset librum, reddidit ministro, & sedidit. Et omnium in Synagoga oculi erant intendentes in illum. Cœpit autem dicere ad illos, quia hodie hæc scripture (Medicum scilicet me à Patre missum esse) impleta est in auribus vestris; mederi enim veni contritis corde, oppressis scilicet à peccato animabus, uti loquuntur Interpretes.

*Matth. 6.
9.v.II.*

Quod iterum alibi Dominus ipse affirmat. Nā Capharnai à Levi Publicano, qui deinde Apostolus, & Evāgelista Matthæus dictus est, ad mensam vocatus, cum plures ille, eiusdem secum conditionis convivas adhibuisset, nec cum illis accumbere Salvator detestaret, indignè id ferentes Pharisei: Quare, ajunt, Domini discipulos allocuti,

ti, cum Publicanis, & peccatoribus manducat
Magister vester? quibus Salvator ipse: Non
est opus, inquit, *valentibus medicus*, sed male *Osee 6. v. 6*
habentibus, euntes autem discite quid est: misericordiam
volo, & non sacrificium. Non enim veni
vocare iustos, sed peccatores. Inter quos, vel-
uti misericors Medicus accumbebat,
ut vulnera, ac morbos curaret, quibus
illorum animæ laborabant.

Narrat Herodotus solere Ægyptum *Lib. I.*
Medicis abundare; neminem tamen
eorum præterquam ægri unius curam
suscipere solitū esse, ut ita omnē artem
& industriam uni rectè sanādo impen-
deret. Non ita Medicus noster, qui, uti
Matthæus ait, circuibat totam Galilæā, sanans *Ca. 4. v. 23.*
omnem languorem, & omnem infirmitatem. Et *c. 4. v. 40.*
S. Lucas: Omnes qui habebant infirmos varijs
languoribus, deducebant ad eum, & ille, singulis
manus imponens, curabat eos. Non uni ergo
infirmo Medicus est Salvator, sed om-
nibus, à quacumque detinentur infir-
mitate, & quidem solâ manus imposi-
tione: quamquam sic singulis omnem
divinæ suæ medicinæ opem impendit
& operam, tanquam unis & unicis
suis.

suis. Quam manum medicam pro te anima mea cruci fixam, ac vulneratam reverenter exosculare, & salutarem ejus opem infirmitatibus tuis curandis implora.

*Io. cap. II.
v. 3.* Lazarus Marthæ, ac Mariæ frater in morbum inciderat: Sorores è familia sua certum hominem mittunt ad Iesum, qui dicat ei: *Domine, ecce quem amas, infirmatur;* quod amanti dicere satis erat. Centurio pro servi sui valetudine obsecrat. Respondet Dominus, *Ego veniam, & curabo eum.*

Domine Iesu, ecce animæ, quas amas infirmantur; veni ergo istis tuis benedictis & perfossis pedibus, & cura eas; veni istis tuis benedictis & perfossis manibus, & has super eas imponere, & bene habebunt; veni isto tuo benedicto & transfixo latere, ut in hoc tanquam in divinum Nosocomium admittantur, & à te medico misericordissimo currentur; nam extra medicas illas tuas officinas, nulla animabus nostris salus esse potest.

Inter rosas ea est, quam pentaphylam

Forn. pref.
in ros. pent.

Iam à totidem foliis vocamus, quæ a-
quis suis, oleo, unguento, aliisque, quæ
ab illa conficiuntur medicamentis, vul-
neribus curandis, morbisque pellendis
admodum opportuna est. Pentaphyl-
lam hanc rosam legimus in sacratissimo
Dominici Corporis horto, sanctissima
scilicet ejus quinque vulnera, quæ
aqua, & sanguine suo pretioso, divinis-
que suis meritis, misericordiæ veluti
oleo, certam animarum nostrarum
vulneribus, ac morbis omnibus mede-
lam adferunt. Profectò, inquit B. Petrus
Cardinalis Damianus, non casu quinque
sunt vulnera Salvatoris, lanceæ scilicet, & cla-
vorum, sed quia nos fueramus quinque sensuum
vulneribus sauciati, per has quinque plagas salu-
ti sumus perpetuae restituti.

Quod rectè intellexit antiqua illa,
& nunquam satis laudanda Germano-
rum pietas, apud quos publicus sacro-
rum Domini vulnerum cultus, olim
principium habuit, & temporum ini-
quitate collapsus, paucis abhinc annis
restitutus est. Gerebant ipsi divina hæc
pignora non animis tantùm impressa,
sed

64 *Corona Sacratissimorum*
 sed & honorarijs nummis. Ut in sub-
jecta figura patet.



Quod etiam S. Bernardus intellexit Serm. 62.
 cùm ait, *Nihil tam efficax esse ad curanda con-* in Cant.
scientiæ nostræ vulnera , nec non ad purgandam
mentis aciem , quām est Christi vulnerum sedula
recordatio , quæ eā de causā , multò antè
 Bernardum, D. Leo in Domini Corpo-
 re servata dixit: quia huiusmodi sancte
 cogitationes magnam vim habent ex-
 citandi in nobis verum de peccatis
 commissis dolorem , ac sincerum erga
 Deum amorem , à quibus in Domini
 Iesu vulneribus, animarum nostrarum
 sanitas integerrima speranda est.

Filiī Israël Deo rebelles , in deserto,
 serpentum morsibus læsi, æneo serpen-
 te conspecto, quem iussu Dei in stipite
 Moyses erexerat, à venenato vulnere
 curabantur. Effigiem ænei serpentis,
 ait Tertullianus, formam designasse Domini-
 cæ crucis. Si ergo quispiam, uti monet Adria-
 nus I. Pontifex, percussus fuerit à serpentibus Ad Carol.
Mag. Reg.
Fran.
 peccatorum , Christum crucifixum intueatur , &
 habebit sanitatem. Mosaicus autem ille ser-
 pens neque è lapide , neque è ligno,
 aliáve materiâ confectus , sed ex ære,
 non sine mysterio fusus erat. Æs enim

E Ægyptum

Camer. lib. *Ægyptium conservat humana cadava-*
1. hist. c. 14. *ra, quibus populi illi, ne computresce-*
rent, clavos æreos insigebant. Non se-
cus à peccatorum corruptelâ animas
nostras conservabunt clavi Domini Ie-
su, si illis cruci ejus configamur.

Atque ut in efficacissima hac medi-
cina quærenda & adhibenda piè solici-
ti simus, ingenti nobis erit stimulo
quod subiicio, habeoque ex fide digna
relatione. Vir princeps spectatæ virtu-
tis, Dominicæ Passioni admodum de-
votus erat, qui nullâ non nocte, ante-
quam quieti se daret, Christi Cruce
pendentis (quam in mensa sua ante
oculos semper habebat) pedes oscula-
batur. Æmulos patiebatur Principis
optimi virtus. Convenerunt illi cum
cubiculi ejus præfecto de tollendo per
venenum Domino, quod perfidus ille
Crucifixi pedibus immiscuit, ut dum
his de more Princeps osculum daret,
præsentissimi veneni pestem spiritu
ipso hauriret, & in viscera transmitte-
ret. Verùm Deus, qui populo suo ad-
versus serpentum venena, in Crucis
suae

suę figurę adfuit, in ejusdem effigie ser-
vo suo non defuit. Cùm enim pro con-
suetudine sua Princeps, priusquam de-
cumberet, crucifixi sui pedibus oscu-
lum ferret, reluctatus est in imagine
sua Dominus; atque osculum non ad-
misit. Perculsus rei novitate Princeps,
verebatur ne occulto aliquo criminе
hujus repulsa dedisset causam. At cu-
biculi p̄fectus, Dei providentiā erga
Dominum suum permotus, illi ad ge-
nua accidit, rem à se perfidè gestam a-
peruit; culpā supplex deprecatur, faci-
lemq; tēterrīmi facinoris veniam non
tanquā à Principe, ac Domino, sed vel-
ut ab amantissimo Patre impetrat. Eia
anima mea, ad benedicta sacrorum Do-
mini pedum vulnera semper cōfugito.
Habes enim in his pr̄stantissimū, cōtra
omnium scelerum venena, antidotum.

Neque vulnera Domini animarum
nocentioribus, ut ita dicam, venenis,
deviis scilicet cogitationibus, quibus
veluti pedibus itur ad malum, sed ea-
rundem morbis omnibus, quibus intel-
lectus, voluntas, memoria, omnesq;

E 2

sensus

68 *Corona Sacratissimorum*

sensus nostri validè opprimuntur, opportuna sunt medicamenta. Iacet, inquit

Serm. 59. Augustinus, toto orbe, ab Oriente usque ad Occidente verb. cidentem grandis ægrotus, sed ad sanandum grandem ægrotum, descendit omnipotens Medicus. Hu-

Dom. miliavit se ad mortalem carnem, tanquam ad æ-

groti lectulum, sacratissima sua nobis aperit vulnera, veluti tot officinas medicas, in quibus contra omnes animæ no-

P. 1. Stim. stræ morbos remedia affluunt. Ingredere,

c. 1. apud ait S. Bonaventura, has vulnerum Domini

Molanum Iesu apothecas, & accipe in illis medicinam sana-

de sindone. trivam, restaurativam, præservativam, & conser-

vativam. Ibi quæcumque appetis electuaria repe-

ries, quæ animæ tuæ stomachum fastidientem ad

divinum gustum restituant. Sanabuntur languores

In Ps. 102. tui, inquit Augustinus, noli timere, magni

sunt, inquies, sed major est Medicus: Omnipotenti

Medico nullus languor incurabilis occurrit. Vi-

de & obstupescet anima mea grandem

ægrotum in rabiem, & furias actum;

habe & grandem medicinam, & ean-

dem morbis tuis multis, & maximis

spera. Quid fecit medicus, inquit Augusti-

nus, in phrenetico Saulo prostrauit saeuentem,

erexit credentem: prostrauit persecutorem, erexit

prædica-

*Lib. de
Symb. c. 3.*

prædicatorem. Prostratus in terram dormiuit phreneticus, surrexit, & factus est medicus. Cæpit curare in alijs morbum, quo ipse laborauerat, & effectus discipulus cœlestis Archiatri, antidotum habuit confeclum ex sanguine medici. Prior ipse babit, & bibendum infirmis suis præbuit. Ecce grandem ægrotum, ecce grande remedium ! de quo Ambrosius ; *Vulnus* est, inquit, quod Christus accepit sed medicina est, quam effudit ; de qua ita Augustinus ; *L. de Agon. Christi cap. 11.*
O medicinam omnibus consulentem, omnia tumen-
tia comprimentem, omnia tabescentia reficientem,
omnia superflua resecantem, omnia necessaria
custodientem, omnia perdita reparantem, om-
nia depravata corrigentem.

Graue malum est, & quo homini vix grauius quidquam contingere potest, oculorum cæcitas, obscuritas, aut quævis alia infirmitas; ut rectè salutati Angelo, & gaudium ei precanti, responderit Tobias; *Quale gaudium mihi erit, qui in* ^{Tob c. 5.} *zenebris sedeo, & lumen celi non video.* Et cœcus ille Evangelicus post Dominum prætereuntem clamans, cum hic ab eo peteret ; *Quid tibi faciam ? Domine,* <sup>Lucæ 18.
v. 41.</sup> *inquit, ut videam ; non opes, non hono-*

E 3 res,

70 *Corona Sacratissimorum*

res, non corporis cōmoda , ab eo, quem
credebat illa posse dare, sed vnum ocul-
lorum usum petit, quem bonis omni-
bus iudicabat anteponendūm.

Lib. 50. *Totus mundus cæcus est* ait S. Augusti-
Hom. 43. nus, ideoque venisse Deum illuminatorem, vt
Diabolūm pelleret excæcatorem. Cæcis ita-
que mundus plenus est, ijs, inquam, qui

videntes non vident, quæ ad virtutis
profectum & animæ salutem condu-
cunt, vident autem acutè nimis, & se-
ctantur, quæ ad corporis commoda
spectant, & æternis periculis animam
exponunt. Quæ cæcitas aliquando
etiam Dei servos invadit, uti ipse Deus

If c. 42 v. queritur, *Quis cæcus nisi servus meus?* sed
19. quod huic malo remedium invenie-
mus?

Apoc. 3. v. Collyrio opus est, quo S. Ioan-
nes vult inungi oculos nostros, ut videamus. pa-
ratur id ex ovi albumine, & aquâ rosa-
ceâ, quam rosa nostra Pentaphylla da-
bit, ad omnem à nobis oculorum infir-
mitatem, ac cæcitatem depellendam.

Luc. Wad. Tyrocinium agebat in S. Francisci
T. 2. An. familiâ Iuvenis domo nobili, & opu-
Min. a. lentâ natus, qui animo quo cœperat,
Chr. 1253. factus
n. 44.

factus remissior , præ splendida parentum domo, fastidire, vilius Monasterij tectum, non ferre data ad virtutem Magistri sui monita, respicere ad patris, ac matris blanditias , præ fratribus, ac sororibus, socios tyrones cōtemnere, mensam pauperem repudiare , anhelare ad delicatiorem. Dicam hīc cūm S. Augustino ; Cūm magnum malum putent homines In Psal. 9. oculorum cæcitatem , quia lux illa retrahitur ; quantam ergo pœnam patiatur , qui eò perducitur, ut non sit Deus in conspectu ejus ! uti in conspectu Tyronis hujus non erat, qui mente cæcā mundum repetere , & clam omnibus fugam capessere decernebat , quam dum aggreditur , amissus visu , viam evadendi non reperit. Itaque dum errabundus quaquaversum abire tentat , in templum elabitur, ubi à cruci affixo Salvatore interrogatus , cur fugam ita noxiā , & infamem inire tentaret ? Respondit : se adeò delicate educatum , aspero, ac duro isti vitæ generi parem non esse ; Cui Christus. Respice ad manus meas , & pedes meos , conspice latus pro te

transfixum, collige sanguinem pro te effluentem
inunge collyrio hoc oculos tuos, & videbis quām
exigua sunt, quae pateris, si cum cruciati-
bus meis conferantur. Intinxit Tyro di-
gitum in latus Domini, & sacro illo
sanguine, rosæ, inquam, illius Penta-
phyllæ divino liquore oculos liniens,
cōporis & animi visum recepit, ac
depulsa omni tentatione, cognovit
beatius esse nihil, quām patientis Sal-
vatoris vestigia sectari. Vnge Domi-
ne IESVEodem sacri tui cruoris col-
lyrio, & illumina oculos meos, vt
te cum Tyrone illo videam, cogno-
scam, & amplectar pro me adeò du-
ra patientem, & in Cruce infami mo-
rientem.

Magnum ægro solatium est, cūm Me-
dicum benignum, sibiique habet com-
patientem, & simul omnipotentem. Is
nobis Dominus Iesus est, ait Drogo
De sacram. S. R. E. Cardinalis: Clamat, inquit ille,
Dom. pass. Salvator de Cruce, O vos omnes, qui transitis per
viam, attendite, & videte, si est dolor, sicut dolor
meus; nemo est qui audit, nemo est qui consolatur,
nemo est qui respondeat. Sitio, inquit Dominus.

Quid

Quid sitis mi Iesu? Ergóne plus cruciat sitis, quam Crux? De Cruce files, & de siti clamas, sitio! Quid? vestram fidem, vestram salutem, vestrum gaudium, plus animarum vestiarum dolores, quam corporis mei cruciatus me affligunt. Ut rectè ille tibi accinat,

*Quæ petis in tantis sitiens solatia pœnis,
A nobis, non à fontibus illa petis.*

Hac mihi de Cruce clamis, & carne tua sanctissima, veluti mundissima sindone, sacrorum vulnerum tuorum balsamo peruncta, alligas vulnera animarum nostrarum. ô Samaritane misericors, & sauciis, atque ægris tuis compateris compassione inenarrabili.

Apud Isaiam apprehendebat vir fratrem ^{Cap. 3. v. 6.} suum, domesticum patris sui: vestimentum, inquiens, tibi est, Princeps esto noster. At ille respondebat: Non sum medicus, & in domo mea non est panis, neque vestimentum. nolite constituere me Principem populi. Eia Domine Iesu, frater noster es, domesticus Patris tui, & Patris nostri, esto Princeps noster. Nam Medicus es, & quidem omnipotens, panis tibi est in domo tua, panis, inquam, qui de cœlo descendit, & dat ^{Ioann. 6. v. 33.} vitam mundo. Vestimentum tibi est, &

E 5

quidem

74 *Corona Sacratissimorum*

Matth. 22. quidem nuptiale , quo qui induitur , è
v. 12. cœlesti mensa tua non eiicietur. Esto
ergo Princeps noster , ô Medice omni-
potens , & sana animas nostras , quia
peccavimus tibi.

Eccles. c. 38. Honora , inquit Sapiens , Medicum pro-
pter necessitatem . Quæ verò animarum

nostrarum major necessitas , quām eas
criminum suorum morbis , atque vul-
neribus mori æternam mortem . Hanc
ut evadamus de Sapientis consilio
omnipotens nobis Medicus honoran-
dus est . At quis Medicus tantò in æ-
grum suum fuit affectu , tantaque illum
prosecutus est commiseratione , ut pro
illo sanitati restituendo , ejus in se mor-
bos suscipere , vulneribus confici , san-
guinem suum profundere voluerit ?

Cap. 53. Voluit id , teste Isaia , Salvator ; qui verè
v. 4. languores nostros ipse tulit , & dolores nostros ipse
portavit . & suscepit omnes infirmitates nostras , ne
æterna esset . uti D. Augustinus ait , infirmi-

Serm. 3. de
Vigil. Nat. Nesciebam , inquit Bernardus ,
Dom. Janus mihi videbar , & ecce mittitur Virginis fi-
lius , Filius Dei altissimi , & jubetur occidi , ut
vulneribus meis pretioso sanguinis sui balsamo
medea-

medeatur. Agnosce, ô homo, quām gravia sint vulnera, pro quibus necesse est Dominum Christum vulnerari, si non essent hæc ad mortem, & mortem sempiternam, nunquam pro eorum remedio Dei Filius moreretur.

Eduardus Angliæ Rex, in prælio sagittâ veneno infectâ læditur: sine remedio erat vulnus medicorum iudicio, nisi venenum quispiam exsugeret. Audiunt consilium Regii cubiculi Præfecti: horrent omnes. Audivit & Regina, quæ Rege dormiente, suspenso gradu, horrore nullo, amore summo ad lectum accedens, os vulneri intrepidè admovet, ac sibi in viscera venenum, & mortem attrahit, Regique vitam interitu suo conservat. O amor Salvatoris amantissimi quām immensus es! Telo venenatissimo flagitorum nostrorum vulnerati omnes eramus, remedium malo huic mortifero nullum erat aliud, quām, ut omnipotens Medicus vulnera sua sacratissima quasi tot ora vulneribus nostris applicaret, venena exsugeret, vitam sibi tolleret, nobis daret.

Roder. da
reb. Hisp.

Suavi,

*Lib. 5. Inst.
divinae piet.
c. 45.* Suavi, ac jucundo ausu medicinam
hanc in vulneribus Salvatoris reperit
sancta Gertrudis, Ordinis sancti Be-
nedicti in Germania Abbatissa. Hæc
quodam Veneris die, dum sacram
Domini passionem meditaretur, ut
Iesu suo patienti solatum aliquod ad-
ferret, credens id sibi licitum, extra-
ctis è Crucifixo suo clavis ferreis, aro-
maticos substituit. Sollicita deinde
pia Virgo quasi levitate aliquâ pec-
casset, à Salvatore intellexit magnop-
erè sibi innocentem hanc pietatem
placuisse, atque ab eo tempore, ex suis
se vulneribus, pretiosum sanguinis sui
balsamum in animam ejus effudisse, ad
omnes ejus sanandas infirmitates; se-
que idem facturum omnibus, qui sacra
ipsius vulnera, quâ decet religione, ve-
nerarentur.

*De vulner.
Dom. c. 5.* Neque animarum tantum, sed cor-
porum etiam morbos, Domini vul-
nera tollunt. Refert Franciscus de
Ossuna solitum in Hispania esse Missam
celebrari pro infirmis de vulneribus,
seu passione Domini, pluresque san-
ctissimo

Etissimo hoc sacrificio valetudinem recuperasse. Gravi capitis dolore affligebatur beata Mechtildis, invitatur à Salvatore, ut quod voluerit pro remedio, vulnus sacri sui Corporis subeat. Remedium illa amplectitur, sed vulneris delectum Domino relinquit, qui eam ad lateris vulneris invitat, quod ipsa piâ meditatione ingressa, omni se liberam dolore protinus sensit.

*Lib. i. grat.
spir. c. 22.*

Venite animæ, vulneratum Domini num amantes, & emite absque argento, & *Isiae 51. v. 1.* absque ulla commutatione in vulneribus Salvatoris medicinam infirmitatibus vestris plurimis, & maximis: lacrymula vna, suave unum ex imo pectore susprium, satis erunt, quæ bonæ peccatum confessioni juncta, in sacratissimo Domini sanguine, medelam certam morbis nostris invenient.

At novus æger, aut dixerim melius antiquo-novus, qui mortalium turbæ parum curæ est, se nobis curandum exhibet. Usitatum est, à Medicis ægros, non ab ægris Medicos suis medelam morbis quærere. Experti sumus hactenus

*Gazet in
Historia
Ecclesiastica
ca Belgij.*

nus Dominum Iesum non animarum nostrarum tantum , sed & corporum mala, præsentissimo sacrorum suorum vulnerum remedio curasse; at modò à viro nobili æquè ac pio Ioanne Huldelbergio vulneribus suis medicinam postulat ipse, cùm sit omnipotens Medicus. Ah quām ingratum , quām crudelē nimis hominum genus , Salvatorem suum iterum in seipsis crucifigentium , & plagis conficientiū immanissimis. Reſ est admiranda , & monito plena divino. Anno à Christo nato 1405. noctibus tribus , quæ Martis , Mercurij , ac Iovis dies ante Pentecostem præcedunt , Salvator se , Paludamento holoserico cæruleo, býffo alba suffulto indutum Ioanni spectandum exhibuit. Majestate , multaque luce plena erant omnia. Obstupeſcit ille , neque viſum intelligit , neque eum , qui ſe videndum præbet , agnoscit. At continuò alia rerum facies obijcitur. Explicat Dominus paludamentum , corpus ostendit plagis confossum ; latusque apertum , fontis instar copiosum fundens ſanguinem,

&

& in Ioannem defluentem: Postulat ab illo Salvator Medicum vulneribus suis curandis advocari , ac percussores suos dignis suppliciis puniri ; Ioannes illa petitione percussum , nullum totâ viciniâ, ait Medicum esse, qui tot, tamquam atrocibus plagis medelam afferat, neque ejus se esse autoritatis , aut potestatis , qui conquisitos percussores istos meritis pœnis subjiciat. Ad quem tum Dominus , adfer manum tuam, pertracta , & delini vulnera mea , ut hoc mihi à te sit solatium , cùm remedium aliud nullum à te possim obtinere.

Anima mea ; Tu mihi hîc compellanda es. Vir hic nobilis nondum Dominum Iesum agnoscit , nisi cùm visus sibi ingredi arcis suæ sacellum , observat Christi in cruce pendentis effigiem, illum ipsum repræsentare , qui noctibus istis tribus consequentibus se illividendum exhibuetat plagis consulfum ; è cujus latere sacro cruore fuerat perfusus. Tum Ioannes se damna-re , seque Redemptoris sui denuò percussorem,

80 *Corona Sacratissimorum
cussorem, tantorumque vulnerum au-
ctorem facere, atque in has voces pro-
rumpere:*

Ferree, cur te nec plague, nec vulnera tangunt

Illa, quibus cautes indoluisse ferunt?

Ferree, cur lacryma nec sanguinis elicit imber?

Nec, qui se fuso sanguine prodit, amor?

Nate Deo, quam possum te dicere causa,

Tot mala, nullo non tempore, velle pati?

Scilicet ut serves, a quo sic laderis, hostem?

Et Iesus partes conciliantis agas?

Et quisquam tanto non cedit vietus amori?

Immemor & luetus sustinet esse tui?

Dixerat, & sibi redditus totum se
Salvatori dedit, ac Isaaci-Sylva Mo-
nasterio, quod Canonicorum Regu-
larium S. Augustini hodie est, fundis
suis in hoc attributis, initium fecit.

Eia anima mea compellanda, in-
quam, *Hic mihi es. In ostento illo vul-
neratum atque sanguinolentum Sal-
vatorem non noverat vir ille nobilis.*
*At tu sat illum nosti, ut viso nullo opus
sit;* dicunt Prophetæ, Evangelistæ
scribunt, te illam esse quæ Iudæorum
manibus, immaniter adeò Salvatorem
tuum

tuum habuisti, quæ peccatis tuis illum
denuo cruci affgis, & vulneribus con-
cidis. Postulat ipse à te Medicum, ne-
que ab alio quam à te curari cupid,
porridge ei boni operis manum, adde
sinceræ Confessioni sinceras contriti
cordis lacrymas, quibus vulnera ejus
balsamo veluti optatissimo vngas, ac
lenias; dignis pœnitentiæ operibus
impunita non sint scelera tua, & à te
velut ab optatissimo Medico vulnera
sua, quæ repetiſt, curata agnosceret Sal-
vator.

CONSIDERATIO II.

*Vulnera Christi**Fontes aquarum viventium.*

AQuam petebat in deserto popu-
lus Israël, pro quo Moyses orans, Num. 20.
v. 6.
ait: Domine Deus, audi clamorem populi, & ape-
ri eis thesaurum tuum, fontem aquæ vivæ. Et ju-
bente Domino, percussit virgâ bis silicem, & egres-
sæ sunt aquæ largissimæ. Aptè hîc B. Petrus
F Damiani